

## УТРЕНЯ

**Иерей:** Благословен Бог наш всегда, ныне и присно, и во веки веков.

**Чтец:** Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, приди и вселися в ны, и очисти ны от всякия скверны, и спаси, Блаже, души наша.

**Трисвято́е.** Пресвятая Троице... Отче наш...

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь. Господи, помилуй. (12 раз)

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### ПСАЛОМ 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твоё тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, воньже аще день призовём Тя.

### ПСАЛОМ 20:

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятёт я, и

снёсть их огонь. Плод их от земли погубиши, и семя их от сыновъ человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоихъ уготовиши лице их. Вознесися, Господи, силою Твоею, воспоём и поём силы Твоя.

**Слава Отцу и Сыну и Святому Духу и ныне и присно и во веки веков. Аминь.**

**Трисвятое. Пресвятая Троице... Отче наш...**

**Иерей:** Яко Твое есть Царство и сила и слава Отца и Сына и Святого Духа, ныне и присно и во веки веков.

**Чтец:** Аминь.

**ТРОПАРИ:**

**Чтец:** Спаси Господи люди Твоя, и благослови достояние Твое, победы на сопротивныя даруя, и Твое сохраняя Крестом Твоимъ жительство.

**Слава Отцу и Сыну и Святому Духу.**

Вознеси́йся на Крестъ волею, тезоименитому Твоему новому жителству щедроты Твоя даруй, Христэ́ Бже, возвесели нас силою Твоею, победы дай нам на сопостаты, пособи́е имущимъ Твое ору́жие мира, непобедимую победу.

**И ныне и присно и во веки веков. Аминь.**

Предстательство страшное и непостыдное, не презри Благая моли́тв наших, Всепетая Богородице, утверди́ православныхъ жительство: спаси́ люди Твоя, и подаждь имъ с небесе́ победу, зане́ родила́ еси́ Бга, еди́на благословенная.

**МАЛАЯ СУГУБАЯ ЕКТЕНИЯ:<sup>1</sup>**

**Иерей:** Помилуй нас, Бже, по велицей милости Твоей, молимъ Ти ся, услыши и помилуй.

**Хор:** Господи, помилуй, *(трижды, на каждое прошение.)*

**Иерей:** Ещё молимся о Великомъ господине и отце́ нашемъ, Святейшемъ Патриархе **Кирилле** и о господине нашемъ преосвященнейшемъ епископе *(или архиепископе, или митрополите **имярек**)*, и о всей во Христэ́ братии нашей.

Ещё молимся о богохранимемъ странѣ нашей, властехъ и воинстве ея, да тихое и безмолвное житие поживемъ во всякомъ благочестии и чистоте.

Ещё молимся за всю братию и за вся христианы.

**Иерей:** Яко милостив и человеколюбецъ Бог еси́, и Тебѣ славу возсылаемъ, Отцу́, и Сыну, и Святому́ Духу, ныне и присно, и во веки вековъ.

**Хор:** Аминь. Именемъ господнимъ благослови́ отче.

**Иерей:** Слава Святей, и Единосущней, и Животворящей, и Нераздельней Троице, всегда, ныне и присно, и во веки вековъ.

**Хор:** Аминь.

**ШЕСТОПСАЛМИЕ:**

**Чтец:** Слава в вышнихъ Богу, и на земли мир, в человецехъ благоволение. *(Трижды)*

Господи, устне мои отверзеша, и уста мои возвестятъ хвалу́ Твою. *(Дважды)*

<sup>1</sup> Данная ектения всегда произносится иереем.

**Чтец:** Псалом 3, Псалом 37, Псалом 62  
**Слава, и ныне: Аллилуиа. (Трижды)**  
Господи, помилуй. *(Трижды)* **Слава, и ныне:**  
Псалом 87, Псалом 102, Псалом 142  
**Слава, и ныне: Аллилуиа. (Трижды)**

**ВЕЛИКАЯ ЕКТЕНИЯ:**

**Диакон:** Мiром Господу помолимся.

**Хор:** Господи, помилуй. *(На каждое прошение)*

**Диакон:** О Свiшнем мiре и спасении душ наших, Господу помолимся.

О мiре всего мiра, благостоянии Святых Божиих Церквей и соединении всех, Господу помолимся.

О святём храме сем и с верою, благоговением и страхом Божиим входящих в оный, Господу помолимся.

О великом Господине и Отце нашем Святейшем Патриархе **Кирилле**, и о Господине нашем, Высокопреосвященнейшем митрополите *(или: архиепископе, или: преосвященнейшем епископе **имя-рѣк**)*, честнем пресвитерстве, во Христе диаконстве, о всем причте и людех, Господу помолимся.

О Богохранимем странѣ нашей, властех и воинстве ея, Господу помолимся.

О граде сем *(или о веси сей)*, всяком граде, странѣ и верою живущих в них, Господу помолимся.

О благорастворении воздушных, о избытии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их.

Господу помолимся.

О избавитися нам от всякия скорби, гнева и нужды, Господу помолимся.

**Заступи, спаси, помилуй и сохрани нас, Боже, Твоею благодатию.**

**Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.**

**Хор:** Тебѣ, Господи.

**Иерей:** Яко подобает Тебѣ всякая слава честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

**Бог Господь, глас 8:**

**Диакон:** Бог Господь, и явися нам, благословен Грядый во Имя Господне.

**Стих 1:** Исповедаетесь Господеву, яко благ, яко в век милость Его.

**Хор:** Бог Господь, и явися нам, благословен Грядый во Имя Господне.

*(И далее на каждый стих)*

**Стих 2:** Обышедше обыдоша мя, и Именем Господним противляхся им.

**Стих 3:** Не умру, но жив буду, и повею дела Господня.

**Стих 4:** Камень, Егже небрегоша зиждущии, Сей бысть во главу угла, от Господа бысть Сей, и есть дивен во очесех наших.

**Тропарь праздника Богородицы (Триоди), глас 8:**

**Хор:** Повеленное тайно прием в разуме, / в крове Иосифове тщанием предста  
Безплотный, глаголя Неискусобрачней: / приклонивый схождением Небес  
вмещается неизменно весь в Тя, / Егже и видя в ложеснах Твоих приемша  
рабий зрак, / ужасаюся звати Тебе: // радуися, Невесто Невестная. *(Дважды)*

**Слава Отцу и Сыну и Святому Духу и ныне и присно и во веки веков. Аминь.**

Повеленное тайно прием в разуме, / в крове Иосифове тщанием предста  
Безплотный, глаголя Неискусобрачней: / приклонивый схождением Небеса  
вмещается неизменно весь в Тя, / Егже и видя в ложеснах Твоих приемша  
рабий зрак, / ужасаюся звати Тебе: // радуйся, Невесто Неневестная.

**Хор:** Господи помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. Аминь.

#### КАФИСМА ШЕСТНАДЦАТАЯ:

##### Псалом 109

Рече Господь Господеви моему: седи одесную Мене, дондеже положу враги  
Твоя подножие ног Твоих. Жезл силы пошлет ти Господь от Сиона, и господствуй  
посреде врагов Твоих. С Тобою начало в день силы Твоея, во светлостех святых  
Твоих, из чрева прежде денницы роди Тя. Клятса Господь и не раскается: Ты  
иерей во век, по чину Мелхиседекову. Господь одесную Тебе сокрушил есть в  
день гнева Своего царя. Судит во языцех, исполнит падения, сокрушит главы на  
земли многих. От потока на пути пиет, сего ради вознесет главу.

##### Псалом 110:

Исповемся Тебе, Господи, всем сердцем моим в совете правых и сонме.  
Велия дела Господня, изыскана во всех волях Его. Исповедание и великолепие  
дело Его и правда Его пребывает в век века. Память сотворил есть чудес  
Своих, Милостив и Щедр Господь. Пищу даде боящимся Его, помянет в век за-  
вет Свой. Крепость дел Своих возвестит людем Своим, дати им достойные язык.  
Дела рук Его истина и суд, верны вся заповеди Его, утвержены в век века, со-  
творены во истине и правоте. Избавление посла людем Своим: заповеда в век  
завет Свой. Свято и страшно имя Его. Начало премудрости страх Господень,  
разум же благ всем творящим и. Хвала Его пребывает в век века.

##### Псалом 111:

Блажен муж, бойся Господа, в заповедех Его восхощет зело. Сильно на земли  
будет семя его, род правых благословится: слава и богатство в дому его, и правда его  
пребывает в век века. Возсия во тме свет правым, милостив и щедр, и праведен. Благ  
муж, щедря и дая: устроит словеса своя на суде, яко в век не подвижится. В память  
вечную будет праведник. От слуха зла не убоится, готово сердце его уповати на  
Господа. Утвердися сердце его, не убоится, дондеже воззрит на враги своя. Расточит, да-  
де убогим, правда его пребывает во век века, рог его вознесется в славе. Грешник узрит  
и прогневается, зубы своими поскрежет и растает, желание грешника погибнет.

**Чтец:** Сла́ва Отцу́ и Сы́ну и Свято́му Ду́ху.

**Хор:** И ны́не и прісно и во ве́ки веко́в. **А**ми́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху

**Чтец:** И ны́не и прісно и во ве́ки веко́в. **А**ми́нь.

**Псалом 112:**

**Х**валі́те, о́троцы, Го́спода, хвалі́те і́мя Господне. Бу́ди і́мя Господне благо-  
словенно отны́не и до ве́ка. От восток со́лнца до запа́д хва́льно і́мя Господне.  
Высо́к над все́ми язы́ки Го́сподь: над небесы́ сла́ва Его́. Кто́ я́ко Го́сподь Бог  
наш? На высо́ких живы́й и на смире́нныя призира́й на небесы́ и на землі́, воз-  
двиза́й от землі́ ни́ща и от гно́ища возвыша́й убо́га, посади́ти его́ с кня́зи, с  
кня́зи люде́й своі́х, вселя́я непло́довъ в дом ма́терь о ча́дех веселя́щуся.

**Псалом 113:**

**В**о исхо́де Изра́илеве от Егѳпта, до́му Иа́ковля из люде́й ва́рвар, бысть Иуде́а  
святы́ня Его́, Изра́иль о́бласть Его́. Мо́ре ви́де и побѳеже, Иорда́н возвраті́ся  
вспя́ть, го́ры взыгра́шася, я́ко овні́, и хо́лми, я́ко а́гнцы о́вчии. Что ти е́сть, мо́ре,  
я́ко побѳгло е́си? И тебе́, Иорда́не, я́ко возвраті́лся е́си вспя́ть? Го́ры, я́ко взы-  
гра́стеся, я́ко овні́, и хо́лми, я́ко а́гнцы о́вчии? От лица́ Господня подви́жеся  
земля́, от лица́ Бо́га Иа́ковля, обра́щшаго ка́мень во езе́ра водна́я и несеко́мый  
во исто́чники водны́я. Не нам, Го́споди, не нам, но і́мени Твоему́ даждь сла́ву, о  
ми́лости Твое́й и і́стине Твое́й. Да не когда́ реку́т язы́цы: где е́сть Бог их? Бог  
же наш на небесы́ и на землі́, вся елі́ка восхоте́, сотвори́. Идоли язы́к серебро́ и  
зла́то, дела́ рук челове́ческих. Уста́ і́мут, и не возглаго́лют, о́чи і́мут и не у́зрят,  
у́ши і́мут, и не услы́шат, но́здри і́мут, и не обоня́ют, ру́це і́мут, и не ося́жут,  
но́зе і́мут, и не по́йдут, не возглася́т гортанем своі́м. Подо́бни им да бу́дут тво-  
ря́щии я́, и вси наде́ющиися на ня. Дом Изра́илев упова́ на Го́спода: Помо́щник и  
Защи́титель им е́сть. Дом Ааро́нь упова́ на Го́спода: Помо́щник и Защи́титель  
им е́сть. Боя́щиися Го́спода упова́ша на Го́спода: Помо́щник и Защи́титель им  
е́сть. Го́сподь помяну́в ны благослови́л е́сть нас, благослови́л е́сть дом Из-  
ра́илев, благослови́л е́сть дом Ааро́нь, благослови́л е́сть боя́щияся Го́спода,  
ма́лыя с вели́кими. Да приложі́т Го́сподь на вы, на вы и на сы́ны ва́ша. Благо-  
словѳни вы Го́сподеви, сотвори́шему не́бо и зе́млю. Не́бо небесе́ Го́сподеви,  
зе́млю же даде́ сыновом челове́ческим. Не ме́ртвии восхва́лят Тя, Го́споди, ниже́  
вси низходя́щии во ад, но мы, живы́и, благослови́м Го́спода отны́не и до ве́ка.

**Псалом 114:**

**В**озлюбих, яко услышит Господь глас моления моего, яко приклоню ухо свое мне, и во дни моя призову. Объяша мя болезни смертные, беды адовы обретоша мя, скорбь и болезнь обретох, и имя Господне призвах: о, Господи, избави душу мою. Милостив Господь и Праведен, и Бог наш милует. Храняй младенцы Господь: смирихся, и спасе мя. Обратися, душе моя, в покой твой, яко Господь благодействова тя. Яко изыят душу мою от смерти, очи мои от слез и нозе мои от поползновения. Благоугожду пред Господем во стране живых.

**Чтец:** Слава Отцу и Сыну и Святому Духу.

**Хор:** И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. Аминь.

**Псалом 115:**

**В**еровах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения прииму и имя Господне призову, молитвы моя Господеви воздам пред всеми людьми Его. Честна пред Господем смерть преподобных Его. О, Господи, аз раб Твой, аз раб Твой и сын рабыни Твоея; растерзал еси узы моя. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его, во дворех дому Господня, посреде тебе, Иерусалиме.

**Псалом 116:**

**Х**валите Господа вси языцы, похвалите Его вси людие, яко утвердися милость Его на нас, и истина Господня пребывает во век.

**Псалом 117:**

**И**споведайтесь Господеви, яко Благ, яко в век милость Его. Да речет убо дом Израилев: яко Благ, яко в век милость Его. Да речет убо дом Ааронь: яко Благ, яко в век милость Его. Да рекут убо вси боящиеся Господа: яко Благ, яко в век милость Его. От скорби призвах Господа, и услыша мя в пространство. Господь мне Помощник, и не убоюсь, что сотворит мне человек. Господь мне Помощник, и аз воззрю на враги моя. Благо есть надеяться на Господа, нежели надеяться на человека. Благо есть уповати на Господа, нежели уповати на князи. Вси языцы обыдоша мя, и именем Господним противляхся им, обышедше обыдоша мя, и именем Господним противляхся им, обыдоша мя, яко пчелы сот, и разгорешася, яко огонь в тернии, и именем Господним про-

тивляхся им. Отриновён превратихся пасти, и Господь прият мя. Крепость моя и пение моё Господь, и бысть ми во спасение. Глас радости и спасения в селениих праведных: десница Господня сотвори силу. Десница Господня вознесё мя, десница Господня сотвори силу. Не умру, но жив буду, и повём дела Господня. Наказуя наказá мя Господь, смерти же не предаде мя. Отверзите мне врата правды, вшед в ня исповёмся Господеви. Сия врата Господня, праведнии внидут в ня. Исповёмся Тебё, яко услышал мя еси, и был еси мне во спасение. Камень, егже небрегоша зиждущии, сей бысть во главу угла: от Господа бысть сей, и есть дивен во очесех наших. Сей день, егже сотвори Господь, возрадуемся и возвеселимся в оны. О, Господи, спаси же, о Господи, поспеши же. Благословён грядый во имя Господне, благословихом вы из дому Господня. Бог Господь, и явися нам: составите праздник во учающих до рог алтаревых. Бог мой еси Ты, и исповёмся Тебё, Бог мой еси Ты, и вознесу Тя. Исповёмся Тебё, яко услышал мя еси, и был еси мне во спасение. Исповедайтесь Господеви, яко Благ, яко в век милость Его.

**Чтец:** Слава Отцу и Сыну и Святому Духу и ныне и присно и во веки веков. **Аминь.**  
Аллилуиа, аллилуиа, аллилуиа, слава Тебё Бже. *(Трижды)*  
Господи, помилуй. *(Трижды)*

#### ЕКТЕНИЯ МАЛАЯ:

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Бже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебё, Господи.

**Иерей:** Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

**Хор:** Аминь.

### АКАФИСТ ПРЕСВЯТОЙ БОГОРОДИЦЕ:

#### ПЕРВАЯ СТАТИЯ:

##### КОНДАК 1:

**Хор:** Взбранной Воеводе победительная, / яко избавльшися от злых, / благодарственная восписуем Ти, раби Твоя, Богородице, / но, яко имущая державу непобедимую, / от всяких нас бед свободи, да зовём Ти: // радуйся, Невесто Неневестная.

### Икос 1:

А́нгел предста́тель с небесе́ послан бысть ре́щи Богоро́дице: ра́дуйся, и со  
безплóтным гла́сом воплоща́ема Тя зря, Го́споди, ужаса́шеся и стоя́ше, зовы́й к  
Ней такова́я:

- Р**а́дуйся, Ё́юже ра́дость возсия́ет;
- р**а́дуйся, Ё́юже кля́тва изчезнет.
- Р**а́дуйся, па́дшаго Ада́ма воззва́ние;
- р**а́дуйся, слез Ё́виных избавле́ние.
- Р**а́дуйся, высотó неудобовосходи́мая челове́ческими по́мыслы;
- р**а́дуйся, глубино́ неудобозри́мая и а́нгельскима очы́ма.
- Р**а́дуйся, я́ко еси́ Царе́во седа́лище;
- р**а́дуйся, я́ко но́сиши Нося́щаго вся.
- Р**а́дуйся, звездó, явля́ющая Со́лнце;
- р**а́дуйся, утробó Божества́наго воплоще́ния.
- Р**а́дуйся, Ё́юже обновля́ется тварь;
- р**а́дуйся, Ё́юже покланя́емся Творцу́.
- Р**а́дуйся, Невесто́// Неневестная.

### Конда́к 2:

Ви́дящи Свята́я Себе́ в чистоте́, глаго́лет Гаври́лу дерзостно: пре-  
сла́вное твоего́ гла́са неудобоприятельно ду́ши Моёй явля́ется: без-  
се́меннаго бо зача́тия рождество́ ка́ко глаго́леши, зовы́й: **А**ллилу́ия.

### Икос 2:

Ра́зум недоразумева́емый разумёти Де́ва и́щущи, возопи́ к служа́щему:  
из боку́ чи́сту, Сы́ну ка́ко есть роди́тися мо́чно, рцы Ми? К Не́йже он рече́ со  
стра́хом, оба́че зовы́й си́це:

- Р**а́дуйся, сове́та неизрече́ннаго тайннице;
- р**а́дуйся, молча́ния прося́щих ве́ро.
- Р**а́дуйся, чуде́с Христо́вых нача́ло;
- р**а́дуйся, велений Егó главизно.
- Р**а́дуйся, ле́ствице небесная, Ё́юже снйде Бог;
- р**а́дуйся, мо́сте, преводя́й су́щих от земли́ на не́бо.
- Р**а́дуйся, А́нгелов многослову́щее чу́до;
- р**а́дуйся, бесóв многоплаче́вное пораже́ние.
- Р**а́дуйся, Свет неизрече́нно роди́вшая;
- р**а́дуйся, е́же ка́ко, ни еди́наго же научи́вшая.
- Р**а́дуйся, премудрых превосходя́щая ра́зум;



**р**áдуйся, вёрных озаряющая смЫслы.

**Р**áдуйся, Невéсто// Неневéстная.

### КОНДАК 3:

**С**íла ВЫшняго осení тогдá к зачáтию Браконеискúсную, и благоплóдная Тоя ложеснá, я́ко селó показá слáдкое, всем хотя́щим жáти спасéние, всегда́ пéти сýще: **А**ллилу́ия.

### Йкос 3:

**И**мúщи Богоприятную Дéва утрóбу, востечé ко Елисавети; младéнец же óноя áбие познáв Сея́ целовáние, рáдовашеся, и игрáньми я́ко пéсньми вопиáше к Богорóдице:

**Р**áдуйся, óтрасли неувядáемая розгó;

**р**áдуйся, Плодá безсмéртнаго стяжáние.

**Р**áдуйся, Дéлателя дéлающая человеколóбца;

**р**áдуйся, Садíтеля жízни нáшея рóждшая.

**Р**áдуйся, нíво, растя́щая гобзовáние щедрóт;

**р**áдуйся, трапéзо, нося́щая обíлие очищéний.

**Р**áдуйся, я́ко рай пíщный процветáеши;

**р**áдуйся, я́ко пристáнище душáм готóвиши.

**Р**áдуйся, приятное молíтвы кадýло;

**р**áдуйся, всегó мíра очищéние.

**Р**áдуйся, Бóжие к смéртным благоволенíе;

**р**áдуйся, смéртных к Бóгу дерзновéние.

**Р**áдуйся, Невéсто// Неневéстная.

### КОНДАК 4:

**Б**ýрю внутрь имéя помышлénий сумнítельных, целомúдренный Иóсиф смятéся, к Тебé зря небрáчней, и бракоокрáдованную помышлéя, Непорóчная; увéдев же Твоé зачáтие от Дýха Свýта, речé: **А**ллилу́ия.

### И СНОВА КОНДАК 1:

**В**збрáнной Воевóде победíтельная,/ я́ко избáвльшеся от злых,/ благодарственная восписúем Ти, рабí Твой, Богорóдице,/ но, я́ко имúщая держáву непобедíмую,/ от всяких нас бед свободí, да зовём Ти:// рáдуйся, Невéсто Неневéстная.

**Хор:** **Г**óсподи помíлуй. *(Трижды)*

**С**лава Отцу и Сыну и Святому Духу.

**Чтец:** **И** ныне и присно и во веки веков. **А**минь.

**КАФИСМА СЕМНАДЦАТАЯ:**

**Псалом 118:**

**ПЕРВАЯ СТАТИЯ:**

**Чтец:** Блажени непорочнии в путь, ходящи в законе Господни. Блажени испытующии свидения Его, всем сердцем възыщут Его, не делающии бо беззакония, в путех Его ходиша. Ты заповедал еси заповеди Твоя сохранити зело. Дабы исправилися путие мой, сохранити оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В чесом исправит юнейший путь свой; внегда сохранити словеса Твоя. Всем сердцем моим възисках Тебе, не отри ни мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумю пути Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохраню словеса Твоя. Открой очи мой, и уразумю чудеса от закона Твоего. Пришлец аз есмь на земли: не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым: прокляти уклоняющиися от заповедей Твоих. Отыми от мене понос и уничижение, яко свидений Твоих възисках. Ибо седоша князи, и на мя клеветашу, раб же Твой глумляшеся во оправданиях Твоих: Ибо свидения Твоя поучение мое есть, и совети мой оправдания Твоя. Прильпе земли душа моя: живи мя по словеси Твоему. Пути мой возвестих, и слышал мя еси: научи мя оправданием Твоим: Путь оправданий Твоих вразуми ми, и поглумлюся в чудесех Твоих. Воздрема душа моя от уныния: утверди мя в словесех Твоих. Путь неправды остави от мене, и законом Твоим помилуй мя. Путь истины изболех, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда расширил еси сердце мое. Законоположи мне, Господи, путь оправданий Твоих, и възыщу и вину: Вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мой, еже не видети суеты, в пути Твоем живи мя. Постави рабу Твое-

мú слово Твое в страх Твой. Отъими поношение мое, еже непщевáх: яко судьбы Твоя блага. Се возжелáх заповеди Твоя, в правде Твоей живи мя. И да придет на мя милость Твоя, Господи, спасение Твое по словеси Твоему. И отвечаю поношающим ми слово: яко уповáх на словеса Твоя. И не отъими от уст моих словесе истинна до зела, яко на судьбы Твоя уповáх. И сохраню закон Твой вину, в век и в век века. И хождáх в широте, яко заповеди Твоя взысках. И глаголах о свидениях Твоих пред царí, и не стыдяхся: И поучахся в заповедех Твоих, яже возлюбих зело: И воздвигох рúце мой к заповедем Твоим, яже возлюбих, и глумляхся во оправданиях Твоих. Помяни словеса Твоя рабу Твоему, ихже упование дал ми еси. То мя утеши во смирении моем, яко слово Твое живи мя. Горди законопреступоваху до зела: от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи Имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи, рех сохранити закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих но́зе мой во свидения Твоя. Уготовихся и не смутихся сохранити заповеди Твоя. У́жя грешник обяза́шася мне, и закона Твоего не забых. Полунощи востах исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля: оправданием Твоим научи мя. Благодать сотворил еси с рабом Твоим, Господи, по словеси Твоему. Благодати, и наказанию и разуму научи мя, яко заповедем Твоим веровах. Прже́де да́же не смирити ми ся, аз прегрехих: сего́ ради слово Твое сохраних. Благ еси Ты, Господи, и благодатию Твоею научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, яко да научуся оправданием Твоим. Благ мне закон уст Твоих, паче тысящ злата и сребра.

**Чтец:** Слава Отцу́ и Сыну́ и Святому́ Духу.

**Хор:** И ны́не и пр́сно и во ве́ки веко́в. **Ами́нь.**

**Аллилу́иа, аллилу́иа, аллилу́иа, слава Тебе́ Бо́же. (Трижды)**

Господи, помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. Аминь.

**Псалом 118:**

**Вторая статья:**

Руце Твой сотвориште мя, и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему рабу Твоему. Да приидут мне щедроты Твоя, и жив буду, яко закон Твой поучение мое есть. Да постыдятся гордии, яко неправедно беззаконноваша на мя, аз же поглумлюся в заповедех Твоих. Да обратят мя боящиеся Тебе, и ведящие свидения Твоя. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мой в слово Твое, глаголюще: когда утетиши мя? Зане бых яко мех на слане: оправданий Твоих не забых. Колико есть дней раба Твоего? когда сотвориши ми от гонящих мя суд? Поведаша мне законопреступницы глумления, но не яко закон Твой, Господи. Вся заповеди Твоя истина: неправедно погнаша мя, помози ми. Вмале не скончаша мене на земли: аз же не оставих заповедей Твоих. По милости Твоей живи мя, и сохранию свидения уст Твоих. Во век, Господи, слово Твое пребывает на Небеси. В род и род истина Твоя. Основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси. Твой есмь аз, спаси мя, яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твоею, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбраних ногам моим, яко да сохранию словеса Твоя. От судьб Твоих не уклонихся, яко Ты законоположил ми еси. Коль сладка гортани моему словеса Твоя, паче меда устом моим. От заповедей Твоих разумех, сего ради возненавидех всяк путь

неправды. Светильник ногам моим закон Твой, и свет стезям моим. Кляхся и поставих сохранить судьбы правды Твоея. Смирись до зела, Господи, живи мя по словеси Твоему. Больная уст моих благоволи же, Господи, и судьбам Твоим научи мя. Душа моя в руку Твоею вину, и закона Твоего не забых. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклоних сердце мое сотворити оправдания Твоя во век за воздаяние. Законопреступныя возненавидех, закон же Твой возлюбих. Помощник мой и Заступник мой еси Ты, на словеса Твоя уповах. Уклонитесь от мене лукавнующии, и испытаю заповеди Бога моего. Заступи мя по словеси Твоему, и жив буду, и не посрами мене от чаяния моего. Помози ми, и спасуся, и поучуся во оправданиях Твоих вину. Уничжил еси вся отступающия от оправданий Твоих, яко неправедно помышление их. Преступающия непщевах вся грешныя земли, сего ради возлюбих свидения Твоя. Пригвозди страху Твоему плоти моя, от судб бо Твоих убояхся. Сотворих суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мои исчезосте во спасение Твое, и в слово правды Твоея. Сотвори с рабом Твоим по милости Твоей, и оправданием Твоим научи мя. Раб Твой есмь аз: вразуми мя, и увем свидения Твоя. Время сотворити Господеви: разориша закон Твой. Сего ради возлюбих заповеди Твоя паче злата и топазия. Сего ради ко всем заповедем Твоим направляхся, всяк путь неправды возненавидех. Дивна свидения Твоя, сего ради испыта я душа моя. Явление словес Твоих просвещает и вразумляет младенцы. Уста моя отверзох, и привлекох дух, яко заповедей Твоих желах.

**Чтец:** Слава Отцу и Сыну и Святому Духу.

**Хор:** И ныне и присно и во веки веков. **Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. **Аминь.**

**Псалом 118:**

**ТРЕТЯ СТАТИЯ:**

Призри на мя и помилуй мя, по суду любящих имя Твое. Стопы мои направи по словеси Твоему, и да не обладает мною всякое беззаконие. Избави мя

от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мой, понеже не сохраних закона Твоего. Праведен еси, Господи, и прави суди Твоя. Заповедал еси правду свидения Твоя, и истину зело. Истаяла мя есть ревность Твоя, яко забыша словеса Твоя врази мой. Разжжено слово Твое зело, и раб Твой возлюбил е. Юнейший аз есмь и уничижен, оправданий Твоих не забых. Правда Твоя правда во век, и закон Твой истина. Скорби и нужды обретоша мя, заповеди Твоя поучение мое. Правда свидения Твоя в век, вразуми мя, и жив буду. Возвах всем сердцем моим, услыши мя, Господи, оправдания Твоя взыщу. Возвах Ти, спаси мя, и сохраню свидения Твоя. Предварих в безгодии и возвах, на словеса Твоя уповах. Предваристе очи мой ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приближишася гонящии мя беззаконием, от закона же Твоего удалишася. Близ еси Ты, Господи, и вси путие Твоя истина. Исперва познах от свидений Твоих, яко в век основал я еси. Виждь смирение мое и измени мя, яко закона Твоего не забых. Суди суд мой и избави мя, словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящии мя и стужающии ми, от свидений Твоих не уклонихся. Видех неразумеваяущия и истаях, яко словес Твоих не сохраниша. Виждь, яко заповеди Твоя возлюбих, Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туне, и от словес Твоих убояся сердце мое. Возрадуяся аз о словесех Твоих, яко обретаяй корысть многу. Не правду возненавидех и омерзих, закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя и возлюбил я зело. Сохраних заповеди Твоя и свидения Твоя, яко вси путие мой пред Тобю, Господи. Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отрыгнут устне мой пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя изволих. Возжелых спасение Твое, Господи, и закон Твой поучение мое

есть. Жива́ будет душа́ моя́ и восхва́лит Тя, и судьбы́ Твоя́ помо́гут мне. Заблуди́х, я́ко овча́ поги́бшее, взыщи́ раба́ Твоего́, я́ко за́поведей Твои́х не забы́х.

**Чтец:** Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. **Ами́нь.**  
Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

#### ЕКТЕНИЯ МА́ЛАЯ:

**Диáкон:** Па́ки и па́ки ми́ром Го́споду помо́лимся.

**Хор:** Го́споди, поми́луй.

**Диáкон:** Заступи́, спаси́, поми́луй и сохрани́ нас, Бо́же, Твоею́ благода́тию.

**Хор:** Го́споди, поми́луй.

**Диáкон:** Пресвяту́ю, Пречи́стую, Преблагословенну́ю, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

**Хор:** Тебе́, Го́споди.

**Иерей:** Я́ко Благ и Человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

**Хор:** Ами́нь.

### АКА́ФИСТ ПРЕСВЯТО́Й БОГОРО́ДИЦЕ:

#### ВТОРА́Я СТАТИ́Я:

##### КОНДА́К 1:

**Хор:** Взбра́нной Воево́де победи́тельная, / я́ко избáвльшеся от злых, / благода́рственная воспису́ем Ти, раби́ Твой, Богороди́це, / но, я́ко иму́щая держа́ву непобеди́мую, / от вся́ких нас бед свободи́, да зове́м Ти: // ра́дуйся, Не́весто́ Нене́встная́.

##### И́кос 4:

Слы́шаша па́стырие́ А́нгелов пою́щих плотско́е Христо́во пришество́ние, и те́кше я́ко к Па́стырю́ ви́дят Сего́ я́ко а́гнца непоро́чна, во чре́ве Мари́ине упáсшася, Ю́же пою́ще ре́ша:

**Рáдуйся,** А́гнца и Па́стыря́ Ма́ти;

**ра́дуйся,** двóре словесных овец.

**Рáдуйся,** невидимых врагов мучение;

**ра́дуйся,** райских дверей отверзение.

**Рáдуйся,** я́ко небесная сра́дуются земным;

**ра́дуйся,** я́ко земная сликовствую́т небесным.

**Рáдуйся,** апóстолов немóлчная уста́;

**ра́дуйся,** страсотерпцев непобеди́мая дерзосте́.

**Р**áдуйся, твёрдое вѣры утверждѣние;  
**р**áдуйся, свѣтлое благодáти познáние.  
**Р**áдуйся, Ёюже обнаж́ися ад;  
**р**áдуйся, Ёюже облекóхомся слáвою.  
**Р**áдуйся, Невѣсто// Неневѣстная.

**Кондáк 5:**

**Б**оготѣчную звезду́ узрѣвше волсвѣи, тоя послѣдоваша зарѣи, и яко свѣтильник держáще ю, тою испытáху крѣпкаго Царя́, и достѣгше Непостиж́имаго, возрадовашася, Емú вопи́юще: **А**ллилу́ия.

**Йкос 5:**

**В**идеша óтроцы халдѣйстии на руку́ Дев́ичу Создáвшаго рука́ми челоу́еки, и Влады́ку разумевáюще Егó, áще и ра́бий прият зрак, потщáшася дарми́ послуж́ити Емú, и возоп́ити Благословѣнней:

**Р**áдуйся, звезды́ незаход́имыя Мáти;  
**р**áдуйся, заре́ та́инственнаго дне.  
**Р**áдуйся, прѣлести пещь угас́ившая;  
**р**áдуйся, Трóицы та́инники просвещáющая.  
**Р**áдуйся, муч́ителя безчеловѣчнаго изметáющая от начáльства;  
**р**áдуйся, Гóспода челоуеколю́бца показáвшая Христа́.  
**Р**áдуйся, вáрварскаго избавля́ющая служ́ения;  
**р**áдуйся, тимѣния изымáющая дел.  
**Р**áдуйся, огня́ поклонѣние угас́ившая;  
**р**áдуйся, пла́мене страстѣй изменя́ющая.  
**Р**áдуйся, вѣрных настав́нице целомúдрия;  
**р**áдуйся, всех родóв весѣлие.  
**Р**áдуйся, Невѣсто// Неневѣстная.

**Кондáк 6:**

**П**роповѣдницы богонóснии, б́ывше волсвѣи, возврат́шася в Вавилóн, скончáвше Твое́ прорóчество, и проповѣдавше Тя Христа́ всем, остáвиша Ёрода яко буеслóвляща, не веду́ща пѣти: **А**ллилу́ия.

**Йкос 6:**

**В**озсия́вый во Еѓипте просвещѣние й́стины, отгна́л еси́ лжи тьму: й́доли бо егó, Спа́се, не терпя́ще Твоея́ крѣпости, падóша, сих же избáвльшиися вопи́яху к Богороди́це:



**Р**áдуйся, исправлѣние челоуѣков;  
**р**áдуйся, низпадѣние бесѡв.  
**Р**áдуйся, прѣлести держáву поправшая;  
**р**áдуйся, идольскую лесть обличившая.  
**Р**áдуйся, мѡре, потопившее фараѡна мысленнаго;  
**р**áдуйся, камѣню, напоивший жáжду щия жизни.  
**Р**áдуйся, ѡгненный стѡлпе, наставляяй сущия во тьме;  
**р**áдуйся, покрѡве мѣру, ширший ѡблака.  
**Р**áдуйся, пище, манны приемнице;  
**р**áдуйся, сладости святѣя служительнице.  
**Р**áдуйся, землѣ обетованія;  
**р**áдуйся, из неяже течѣт мед и млекѡ.  
**Р**áдуйся, Невѣсто// Невѣстная.

#### КОНДАК 7:

**Х**отящу Симѡну от нынѣшняго вѣка престáвиться прелѣстнаго, вдáлся еси яко младѣнец томú, но познался еси емú и Бог совершенный. Тѣмже удиви-  
вися Твоей неизречѣнной премудрости, зовый: **А**ллилу́ия.

#### И СНОВА КОНДАК 1:

**В**збранной Воеводѣ победительная,/ яко избáвльшеся от злых,/ благо-  
дáрственная восписуем Ти, рабѣ Твоѣ, Богородице,/ но, яко имущая держáву непо-  
бедимую,/ от всяких нас бед свободи, да зовем Ти:// рáдуйся, Невѣсто Невѣстная.

**Чтец:** **Г**ѡсподи, помилуй. *(Трижды)*

**С**лáва Отцú и Сýну и Святѡму Дúху и ныне и присно и во вѣки векѡв. **А**минь.

#### ПСАЛОМ 50:

**П**омилуй мя, Бѡже, по велицей милости Твоей, и по множеству щедрѡт  
Твоѣх очисти беззакѡние моѣ. Наипáче омый мя от беззакѡнiя моего, и от  
грехá моего очисти мя. Яко беззакѡние моѣ аз знаю и грех мой предо мною  
есть вину. Тебѣ Единому согрѣших, и лукавое пред Тобою сотворих, яко да  
оправдишися во словесех Твоѣх и победиши, внегда судити Ти. Се бо в безза-  
кѡнных зачат есмь, и во гресех роди мя мати моя. Се бо истину возлюбил еси,  
безвѣстная и тайная премудрости Твоея явил ми еси. Окропиши мя иссопом,  
и очищуся, омьѣши мя, и пáче снѣга убелюся. Слúху моему дáси рáдость и ве-  
сѣлие, возрадуются кѡсти смиренныя. Отврати лице Твое от грех моих, и вся  
беззакѡнiя моя очисти. Сѣрдце чисто созижди во мне, Бѡже, и дух прав обно-  
ви во утрѡбе моей. Не отвержи мене от лица Твоего, и Дúха Твоего Святаго не

отымй от менё. Воздаждь ми радость спасения Твоего, и Духом Владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего, возрадуется язык мой правде Твоей. Господи, устне мой отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Бóгу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

**КАНОН:**

**В 1-5 песнях:**

*В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.*

*В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.*

**В ХРАМЕ БОГОРОДИЦЫ:**

**ПЕСНЬ 1.**

**КАНОН ПРАЗДНИКА БОГОРОДИЦЫ (ТРИОДИ) НА 12:**

**Ирмос:** **Отверзу уста моя, / и наполнятся Духа, / и слово отрыгну Царнице Матери, / и явлюся, светло торжествуя, // и воспою, радуясь, Тоя чудеса. (Дважды)**

**Запев:** **Пресвятая Богородице, спаси нас.**

**Христову** книгу одушевленную, запечатленную Тя Духом, / великий Архангел, Чистая, зря возглашаше Ти: / радуйся, радости приятелище, // Ёюже праматерняя клятва разрешится. *(Трижды)*

**Адамово** исправление, радуйся / Дёво Богоневесто, адово умерщвление. / Радуйся Всенепорочная, палато всех Царя: // радуйся, престоле огненный Вседержителя. *(Трижды)*

**Цвете** неувядаемый, радуйся / едина прозябшая яблоко благовонное. / Радуйся рождающая благоухание единого Царя. // Радуйся Неискуобращная, миру спасение. *(Дважды)*

**Слава Отцу и Сыну и Святому Духу.**

**Чистоты** сокровище, радуйся, / Ёюже от падения нашего востяхом. / Радуйся, сладкоуханный крине Владычице, / верных благоухаяй, кадило благовонное, // и миро многоценное.

**И ныне и присно и во веки веков. Аминь.**

**Ч**истоты сокровище, радуйся,/ Ёуже от падения нашего востаном./  
Радуйся, сладкоуханный крине Владычице,/ верных благоухаяй, кадило  
благобонное, // и миро многоценное.

**КАТАВАСИЯ:**

**Отверзу уста моя,/ и наполнятся Духа,/ и слово отрыгну Царице  
Матери,/ и явлюся, светло торжествуя, // и воспою, радуясь, Той чудеса.**

**ПЕСНЬ 3:**

**КАНОН ПРАЗДНИКА БОГОРОДИЦЫ (Триоди) на 12:**

**Ирмос:** **Твоя песнословцы, Богородице,/ Живый и Независтный Ис-  
точниче,/ лик себе совокупльшия, духовно утверди,/ в Божественней  
Твоей славе // венцев славы сподоби. (Дважды)**

**Запев:** **Пресвятая Богородице, спаси нас.**

**К**лас прозябшая Божественный, яко нива неоранная яве,/ радуйся оду-  
шевленная трапезо, хлеб животный вмещающая. // Радуйся, животная воды  
источниче неистощаемый, Владычице. (Трижды)

**Ю**нице Юнца рождающая непорочного, радуйся верным./ Радуйся Агнице,  
рождающая Божияго Агнца,/ вземлющего мира всего прегрешения. // Радуйся  
теплое очистилище. (Трижды)

**У**тро светлейшее, радуйся/ единая Солнца носящая Христа, света жилище./  
Радуйся, тьму разрушившая, // и мрачные бесы отнюд отгнавшая. (Дважды)

**Слава Отцу и Сыну и Святому Духу.**

**Р**адуйся, двере единая,/ Ёуже Слово пройде едино,/ вереи и врата адова,  
Владычице, Рождеством Твоим сокрушившая. // Радуйся, Божественный  
входе спасаемых, Богоневесто.

**И ныне и присно и во веки веков. Аминь.**

**Р**адуйся, двере единая,/ Ёуже Слово пройде едино,/ вереи и врата адова,  
Владычице, Рождеством Твоим сокрушившая. // Радуйся, Божественный  
входе спасаемых, Богоневесто.

**КАТАВАСИЯ:**

**Твоя песнословцы, Богородице,/ Живый и Независтный Ис-  
точниче,/ лик себе совокупльшия, духовно утверди,/ в Божественней  
Твоей славе // венцев славы сподоби.**

## ЕКТЕНИЯ МАЛАЯ:

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

## АКАФИСТ ПРЕСВЯТОЙ БОГОРОДИЦЕ:

### ТРЕТИЯ СТАТИЯ:

#### КОНДАК:

**Хор:** Взбранной Воеводе победительная, / яко избавльшися от злых, / благодарственная восписуем Ти, раби Твоя, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

#### Икос 7:

Новую показá тварь, явлься Зиждитель нам от Него бывшим, из безсеменная прозяб утробы, и сохранив Ю, якоже бе, нетленну, да чудо видяще, воспоём Ю, вопиюще:

Радуйся, цвѣте нетлѣния;

радуйся, вѣнче воздержанія.

Радуйся, воскресенія образ облистáющая;

радуйся, ангельское житиѣ являющая.

Радуйся, древо светлоплодовитое, от негоже питаются вернии;

радуйся, древо благосеннолиственное, имже покрывáются мнози.

Радуйся, во чреве носящая Избáвителя плененным;

радуйся, рождшая Настáвника заблуждшим.

Радуйся, Судий прáведнаго умолѣние;

радуйся, многих согрешений прощѣние.

Радуйся, одѣждо нагих дерзновѣния;

радуйся, любы, всякое желáние побеждающая.

Радуйся, Невѣсто // Неневѣстная.

### Кондак 8:

Странное рождество видевше, устранимся мира, ум на небеса преложше: сего бо ради высокий Бог на земли явился смиренный человек, хотяй привлещи к высоте Тому вопиющия: **Аллилу́ия.**

### Икос 8:

Весь бе в нижних и вышних никакоже отступи неописанное Слово: низхождение бо Божественное, не прехождение же местное бысть, и рождество от Девы Богоприятная, слышаша сия:

**Р**адуйся, Бога неместимаго вместилище;  
**р**адуйся, честнаго таинства двери.  
**Р**адуйся, неверных сумнительное слышание;  
**р**адуйся, верных известная похвало.  
**Р**адуйся, колеснице пресвятая Сущаго на Херувимех;  
**р**адуйся, селение преславное Сущаго на Серафимех.  
**Р**адуйся, противная в тожде собравшая;  
**р**адуйся, девство и рождество сочетавшая.  
**Р**адуйся, Еюже разрешися преступление;  
**р**адуйся, Еюже отверзеса рай.  
**Р**адуйся, ключу Царствия Христова;  
**р**адуйся, надеждо благ вечных.  
**Р**адуйся, Невесто// Неневестная.

### Кондак 9:

Всякое естество ангельское удивися великому Твоего вочеловечения делу; неприступнаго бо яко Бога, зряще всем приступнаго Человека, нам убо спребывающа, слышаша же от всех: **Аллилу́ия.**

### Икос 9:

Ветия многовещанная, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же, таинству дивящися, верно вопием:

**Р**адуйся, премудрости Божия приятелище;  
**р**адуйся, промысления Его сокровище.  
**Р**адуйся, любомудрая немудрая являющая;  
**р**адуйся, хитрословесныя безсловесныя обличающая.  
**Р**адуйся, яко обуяша лютии взыскателе;

**р**áдуйся, я́ко увядо́ша баснотво́рцы.  
**Р**áдуйся, афинéйская плетéния растерза́ющая;  
**р**áдуйся, ры́барския мре́жи исполня́ющая.  
**Р**áдуйся, из глубины́ невéдения извлача́ющая;  
**р**áдуйся, мно́ги в ра́зуме просвещáющая.  
**Р**áдуйся, кораблю́ хотя́щих спасти́ся;  
**р**áдуйся, пристáнище житéйских пла́ваний.  
**Р**áдуйся, Невéсто// Неневéстная.

**Конда́к 10:**

**С**пасти́ хотя́ мир, И́же всех Украси́тель, к сему́ самообетова́н при́иде, и Па́стырь сый, я́ко Бог, нас ра́ди яви́ся по нам челове́к: подо́бным бо подо́бное призва́в, я́ко Бог слы́шит: **А**ллилу́ия.

**И СНОВА КОНДАК 1:**

**В**збра́нной Воево́де победи́тельная,/ я́ко изба́вльшеся от злых,/ благода́рственная воспису́ем Ти, раби́ Твои́, Богоро́дице,/ но, я́ко иму́щая держа́ву непобеди́мую,/ от всяких нас бед свободи́, да зове́м Ти:// ра́дуйся, Невéсто Неневéстная.

**СЕДАЛЕН ТРИОДИ, ГЛАС 1, ПОДОБЕН: "ГРОБ ТВОЙ":**

**Чтец:** **В**ели́кий во́ин невещéственных А́нгелов, во град Назарéт предста́в, Царя́ возвещáет Твоего́, Чистая, и веко́в Го́спода: ра́дуйся, глаго́ля Тебе́, благосло́венная Мари́е, непостижи́мая и несказáнная глубино́, челове́ков воззва́ние.

**С**ла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. **А**ми́нь.

**ТОТ ЖЕ СЕДАЛЕН, ГЛАС 1:**

**В**ели́кий во́ин невещéственных А́нгелов, во град Назарéт предста́в, Царя́ возвещáет Твоего́, Чистая, и веко́в Го́спода: ра́дуйся, глаго́ля Тебе́, благосло́венная Мари́е, непостижи́мая и несказáнная глубино́, челове́ков воззва́ние.

**ПРОДОЛЖАЕМ КАНО́Н:**

**В 1-5 песнях:**

*В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.*

*В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.*

**В ХРАМЕ БОГОРО́ДИЦЫ:**

**ПЕСНЬ 4:**

**КАНО́Н ПРАЗДНИКА БОГОРО́ДИЦЫ (ТРИОДИ) НА 12:**

**Ирмо́с:** **С**едя́й в Сла́ве/ на Престо́ле Божества́/ во о́блаце лёгце,/ при́иде Ии́сус Пребоже́ственный,/ Нетле́нною Длáнию/ и спасé зову́щия:// сла́ва, Христé, си́ле Твое́й. *(Дважды)*

**Запев:** Пресвятая Богородице, спаси нас.

Во гласех пений, Дево,/ Тебе вопиём, Всепетая:/ радуйся, тучная горб и усырэнная Духом./ Радуйся свещнице, и стамно манну носящая,// услаждающая всех благочестивых чувства. *(Дважды)*

Очистилице миру, радуйся, Пречистая Владычице./ Радуйся лестнице, от земли всех возвысившая благодатию./ Радуйся мосте, воистинну преводяй всех// от смерти к животу поющих Тя. *(Дважды)*

Небес превышшая, радуйся, земли основание/ в Твоих ложеснах Пречистая, нетрудно носившая./ Радуйся червленнице, багрянцу Божественную омочившая,// от кровей Твоих, Цареве силам. *(Дважды)*

Законодательница рождающая истинного, радуйся, Владычице,/ беззакония всех туне очищающего./ Недовередомая глубино, высот неизреченная, браконейская,// Еюже мы обожихомся. *(Дважды)*

**Слава Отцу и Сыну и Святому Духу.**

Тя исплетшую миру нерукоплетенный венец песнословим,/ радуйся, Тебе Дево зовуще:/ хранилице всех и ограждение, и утверждение,// и священное прибежище.

**И ныне и присно и во веки веков. Аминь.**

Тя исплетшую миру нерукоплетенный венец песнословим,/ радуйся, Тебе Дево зовуще:/ хранилице всех и ограждение, и утверждение,// и священное прибежище.

**КАТАВАСИЯ:**

Седяй в Славе/ на Престоле Божества/ во облаце легце,/ прииде Иисус Пребожественный,/ Нетленною Дланию/ и спасе зовущия:// слава, Христэ, силе Твоей.

**ПЕСНЬ 5:**

**Канон праздника Богородицы (Триоди) на 12:**

**Ирмос:** Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетного Сына,/ всем воспевающим Тя// мир подавающая. *(Дважды)*

**Запев:** Пресвятая Богородице, спаси нас.

Путь рождающая жизни, радуйся Пренепорочная,/ от потопы греховного мир спасающая:/ радуйся Богоневесто, слышание и глаголение страшное:// радуйся пребывание Владыки твари. *(Дважды)*

**Крѣпость и утверждѣние челоуѣков, радуися Пречыстая,/ мѣсто освящѣния славы, умерщвлѣние адово, чертоже всесвѣтлый./ Радуйся а́нгелов радосте:// радуйся по́моще вѣрно молящихся Тебѣ. (Дважды)**

**Огнеобразная колеснице Слѡва, радуися Владычице,/ одушевлѣнный раю́, древо посреде́ имущи жи́зни Го́спода, // Егѡже сладость оживотворяет вѣрою причащающихся, и тли подклонившихся. (Дважды)**

**Укрепляеми силою Твоею, вѣрно вопиѣм Ти:/ радуися, граде всех Царя́,/ пресла́вная и достослы́шанная о Нейже глаго́лана бы́ша я́ве, горѡ несѣко́мая:// радуися глубино́ неизмѣримая. (Дважды)**

**Сла́ва Отцу́ и Сы́ну и Свято́му Ду́ху.**

**Простра́нное селѣние Слѡва, радуися Пречыстая,/ сосуде, Божѣственный бисер произвѣдшая./ Радуйся, всечудное всех к Бо́гу примирѣние, // блажа́щих Тя, Богородице, всегда́.**

**И ны́не и прѣсно и во ве́ки веко́в. Ами́нь.**

**Простра́нное селѣние Слѡва, радуися Пречыстая,/ сосуде, Божѣственный бисер произвѣдшая./ Радуйся, всечудное всех к Бо́гу примирѣние, // блажа́щих Тя, Богородице, всегда́.**

**КАТАВА́СИЯ:**

**Ужасѡшася всяческа́я/ о Божѣственной сла́ве Твоей:/ Ты бо, Неискусобра́чная Дѣво,/ имѣла еси́ во утробѣ над все́ми Бо́га/ и родила́ еси́ Безлѣтнаго Сы́на,/ всем воспева́ющим Тя// мир подава́ющая.**

**В 6-9 пѣснях:**

**Кано́н хра́ма не поѣтся.**

**ВО ВСЕХ ХРА́МАХ:**

**ПЕСНЬ 6:**

**Кано́н пра́здника Богороди́цы (Триоди) на 12:**

**Ирмос:** **Божѣственное си́е и всечестно́е/ соверша́юще пра́зднество,/ Богому́дрии, Богома́тере,/ приидѣте, рука́ми восплѣщим, // от Нея́ ро́ждшагося Бо́га сла́вим. (Дважды)**

**Запев:** **Пресвята́я Богороди́це, спаси́ нас.**

**Чертѡже Слѡва несквѣрный, вина́ всех обожѣния,/ радуися Пречыстая, про́роков оглаше́ние:// радуися, апо́столов удобре́ние.**

**От Тебѣ роса́ ука́ну, пла́мень многобо́жия угасившая./ Тем вопиѣм Ти:// радуися, руно́ одушевлѣнное, е́же Гедеѡ́н, Дѣво, предвидѣ.**



Се Тебѣ [Дѣво] радуйся, зовѣм:/ пристанище нам буди влающимся,/ и отиши в пучине скорбей, // и соблазнов всех борителя.

Радости вина, облагодати наш помысл, еже звати Тебѣ:/ радуйся неопалимая купино, облаче всесветлый, // верныя непрестанно осеняющий.

**ЧЕТВЕРОПЕСНЕЦ ПЕРВЫЙ, ГЛАС 6:**

**Запев: Святѣи мученицы, молите Бога о нас.**

Пострадавшие мученицы/ и, яко камене избранное, по земли валяющесе,/ зиждительство всякое врага совершенно превратиша // и храми Бога Живаго явѣшася.

Вас молим, течение доброе совершивших, мученицы,/ поста течение теши нас добре укрепите, // добродетелей совершением просиявших.

Рабы Твоя, Владыко,/ преставльшиися от земли к Тебѣ, Преплагому,/ Твоего Царствия сотвори общники, // Божественных мученик Твоих священными ходатайствы, Многомилостиве.

**Запев: Пресвятая Богородице, спаси нас.**

Едина Всепетая,/ поющим Тя верно, грехов оставление/ и дарований Божественных часть датися, // Всесвятому Слову молися, Мати Дѣво.

**ЧЕТВЕРОПЕСНЕЦ ВТОРОЙ, ГЛАС 5:**

**Запев: Святѣи мученицы, молите Бога о нас.**

Память совершающе мученик,/ Господеви возслем песни, // днесь Божественно веселящесе.

Мечев и огня не убоившесе,/ дерзающе в вере страсотерпцы, // мучители в сем уязвите.

**Слава Отцу и Сыну и Святому Духу.**

Троицу Лицы воспеваю Тя,/ Единице по существу поклоняюся, // Тебѣ, Отче, Сыне и Душе Святый.

**И ныне и присно и во веки веков. Аминь.**

Ангел и человек благохваление еси, // яко родила еси, Дѣво, Христа, Спаса душам нашим.

**Запев: Дивен Бог во святых Своих, / Бог Израилев.**

Смертию живот пренивше,/ радуется, на Небесех живуще, // страсотерпцы преславнии Христа Бога.

**Запев: Души их во благих водворятся.**

Смертию и животом обладай,/ верою преставльшиися от жития, Христе, // со святыми Твоими упокой.

### КАТАВА́СИЯ, ГЛАС 5:

От кита пророка избавил еси,/ мене же из глубины грехов возведи, // Господи, и спаси мя.

### ЕКТЕНИ́Я МА́ЛАЯ:

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

### АКА́ФИСТ ПРЕСВЯТО́Й БОГОРО́ДИЦЕ:

#### ЧЕТВЕРТАЯ СТАТИЯ:

#### КОНДА́К 1:

**Хор:** Взбранной Воеводе победительная,/ яко избавльшеся от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти: // радуйся, Невесто Неневестная.

#### И́КОС 10:

Стена еси девам, Богородице Дево, и всем к Тебе прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебе научи:

Радуйся, столпе девства;

радуйся, дверь спасения.

Радуйся, начальнице мысленного наздания;

радуйся, подательнице Божественных благости.

Радуйся, Ты бо обновила еси зачатые студию;

радуйся, Ты бо наказала еси окраденных умом.

Радуйся, тлителя смыслов упражняющая;

радуйся, Сятеля чистоты рождающая.

**Р**áдуйся, чертóже безсéменнаго уневéщения;  
**р**áдуйся, вёрных Гóсподеви сочетáвшая.  
**Р**áдуйся, дóбрая младопитáтельница дéвам;  
**р**áдуйся, невестокрасíтельнице душ святýх.  
**Р**áдуйся, Невéсто// Неневéстная.

**Конда́к 11:**

**П**éние всякое побежда́ется, спростре́тися тща́щееся ко мно́жеству мно́гих щедро́т Твои́х: равночи́сленныя бо песка́ пéсни áще прино́сим Ти, Царю́ святýй, ничтóже соверша́ем досто́йно, яже дал еси́ нам, Тебе́ вопи́ющим: **А**ллилу́ия.

**И́кос 11:**

**С**ветоприёмную свещу́, сущим во тьме явльшуюся, зрим святую́ Дéву, невещéственный бо вжигáющи огонь, наставля́ет к рáзуму Божéственному вся, зарéю ум просвещáющая, зва́нием же почита́емая, сими:

**Р**áдуйся, лучé умнаго Сóлнца;  
**р**áдуйся, свети́ло незаходи́маго Свéта.  
**Р**áдуйся, мо́лние, ду́ши просвещáющая;  
**р**áдуйся, яко́ гром, враги́ устраша́ющая.  
**Р**áдуйся, яко́ многосвётлое возсиява́еши просвещéние;  
**р**áдуйся, яко́ многотеку́щую источáеши реку́.  
**Р**áдуйся, купéли живопису́ющая о́браз;  
**р**áдуйся, грехóвную отъёмлю́щая сквёрну.  
**Р**áдуйся, ба́не, омыва́ющая со́весть;  
**р**áдуйся, ча́ше, че́рплющая ра́дость.  
**Р**áдуйся, обоня́ние Христо́ва благоухáния;  
**р**áдуйся, животé тайнаго весéлия.  
**Р**áдуйся, Невéсто// Неневéстная.

**Конда́к 12:**

**Б**лагодáть дáти восхотéв, долго́в дрéвних, всех долго́в Решíteль чело́вэком, при́иде Собо́ю ко отше́дшим Того́ благодáти, и раздра́в рукописа́ние, слы́шит от всех си́це: **А**ллилу́ия.

### Ўкос 12:

Поюще Твое Рождество, хвалим Тя вси, яко одушевленный храм, Богородице: во Твоей бо вселиться утробе содержи вся рукою Господь, освяти, прослави и научи вопити Тебе всех:

- Р**адуйся, селение Бога и Слова;
- р**адуйся, святая святых большая.
- Р**адуйся, ковчеже, позлащенный Духом;
- р**адуйся, сокровище живота неистощимое.
- Р**адуйся, честный венец царей благочестивых;
- р**адуйся, честная похвала иереев благоговейных.
- Р**адуйся, Церкви непоколебимый столпе;
- р**адуйся, Царствия нерушимая стена.
- Р**адуйся, Еюже воздвигнутся победы;
- р**адуйся, Еюже низпадают враги.
- Р**адуйся, тела моего врачевание;
- р**адуйся, души моей спасение.
- Р**адуйся, Невесто// Невестная.

### Кондак 13:

**О**, Всепетая Мати, рождающая всех святых Святейшее Слово! Нынешнее приемши приношение, от всякия избави напасти всех, и будущия изми муки, о Тебе вопиющих: **Аллилуйя.** *(Кондак читается трижды.)*

### Ўкос 1:

**А**нгел представитель с небес послан бысть рещи Богородице: радуйся, и со плотным гласом воплощаема Тя зря, Господи, ужасашеся и стояше, зовый к Ней таковая:

- Р**адуйся, Еюже радость возсияет;
- р**адуйся, Еюже клятва исчезнет.
- Р**адуйся, падшаго Адама воззвание;
- р**адуйся, слез Евиных избавление.
- Р**адуйся, высоту неудобовосходимая человеческими помысли;
- р**адуйся, глубину неудобозримая и ангельскими очима.
- Р**адуйся, яко еси Царство седилище;
- р**адуйся, яко носиши Носящего вся.
- Р**адуйся, звезд, являющая Солнце;

**р**áдуйся, утрóбо Божéственнаго воплощéния.

**Р**áдуйся, Ёюже обновляется тварь;

**р**áдуйся, Ёюже покланяемся Творцú.

**Р**áдуйся, Невéсто// Неневéстная.

**И СНОВА ПЕРВЫЙ КОНДАК:**

**В**збрáнной Воевóде победительная,/ яко избáвльшеся от злых,/ благо-  
дárственная восписúем Ти, раб́и Твои́, Богородице,/ но, яко имúщая держáву непо-  
бедíмую,/ от всяких нас бед свободí, да зовём Ти:// рáдуйся, Невéсто Неневéстная.

**ПРОДОЛЖАЕМ КАНОН:**

**В 6-9 пéснях:**

**Канон храма не поется.**

**ВО ВСЕХ ХРАМАХ:**

**ПЕСНЬ 7:**

**КАНОН ПРАЗДНИКА БОГОРОДИЦЫ (ТРИОДИ) НА 12:**

**Ирмос:** **Не послужиша твáри Богомúдрии/ пáче Создáвшего,/ но, óгненное  
прещéние мúжески поправше,/ рáдовахуся, поюще:// препéтый отцév  
Госпóдь и Бог, благословén еси́. (Дважды)**

**Запев:** **Пресвятáя Богородице, спаси́ нас.**

**В**оспева́ем Тя вопиúще:/ рáдуйся, колесни́це со́лнца úмнаго,/ лозó  
йстинная, грозд зрéлый воздéлавшая, вино́ источáющий,// дúши веселя́щее  
вéрою Тя сла́вящих.

**В**рачá всех человек рóждшая, рáдуйся Богоневéсто,/ жéзле та́йный, цвет  
неувядáемый процвётший,// рáдуйся Влады́чице, Ёюже рáдости напол-  
ня́емся, и жизнь наслéдствуем.

**В**етийствующий не мóжет язýк, Влады́чице, песнослóвити Тя,/ пáче бо  
серафíмов возвы́силася еси́, рóждши Царя́ Христá.// Егóже моли́ граду́ семú  
избáвиться от мнóгих искушéний.

**Х**ва́лят Тя блажа́ще концы́, и любóвию зовúт Тебé:/ рáдуйся свítче, в  
нёмже пёрстом Óтчим написáся Сло́во, Чíстая./ Егóже моли́, в кни́зе жи-  
вóтней// рабóм Твои́м написáтися, Богородице.

**ЧЕТВЕРОПÉСНЕЦ ПЕРВЫЙ, ГЛАС 6:**

**Запев:** **Святíи мúченицы, моли́те Бóга о нас.**

**П**ресвётлое собрáние Божéственных Твои́х мúчеников, Много-  
мíлостиве,/ во свéте Твоём незаходíмем ны́не жítельствует.// Тех мо-  
ли́твами просвещéние и грехóв очищéние подáждь всем, Христé.

**Коль** красное время, еже нам дал еси воздержания, Господи,/ в немже ущедри души наша яко Благ,/ молитвами святых страдалец,// красныя и честныя возлюбивших страсти Твоя.

**Прешедшия** многоболезненную бурю жития рабы Твоя,/ устремй в пристанище, Владыко, жизни,/ вопити со всеми избранными:// благословен еси, Господи Боже отец наших.

**Запев:** **Пресвятая Богородице, спаси нас.**

**Закона Дателя,** Приснодево, рождающая моли,/ беззакония отъяти вся, во время ныне настоящее,// добре произволившим обучатися Божественного поста тщанием.

**ЧЕТВЕРОПЕСНЕЦ ВТОРОЙ, ГЛАС 5:**

**Запев:** **Святые мученицы, молитесь Бога о нас.**

**Благословен** еси, Боже,/ показавый доблю о Тебе страждущия мученики,// препетый и препрославленный.

**Благословен** еси, Боже,/ страстотерпцы молитвенники нам к Тебе подавай,// препетый и препрославленный.

**Слава Отцу и Сыну и Святому Духу.**

**Благословен** еси, Боже,/ един убо Естеством, Лицы же тремъ познаваемый,// препетый и препрославленный.

**И ныне и присно и во веки веков. Аминь.**

**Благословен** еси, Боже,/ рождейся безсеменно, и Рождшую показавый чистотствующую,// препетый и препрославленный.

**Запев:** **Святым, иже суть на земли Его,/ удивил Господь вся хотения Своя в них.**

**Благословен** еси, Боже,/ звери укротивый и погасивый огонь,// в славу святых Твоих, препетый и препрославленный.

**Запев:** **Блажени, яже избрал,/ и приял еси Господи.**

**Благословен** еси, Боже,/ от смерти в безконечный живот преложивый,// верою в житий послужившия Тебе.

**КАТАВАСИЯ, ГЛАС 5:**

**Благословен** еси, Боже,/ видяй бездны/ и на Престоле Славы седяй,// препетый и преславный.

**ПЕСНЬ 8.**

**Ирмос:** **Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,// и превозносите Его во вся веки. (Дважды)**

**Запев:** **Пресвятая Богородице, спаси нас.**

Ложесны Слово прияла еси, / вся носящаго носила еси, / млеко́м пита́ла еси, / ма́нием пита́ющаго вселенную всю, Чистая, Емуже поём:// Го́спода по́йте дела́, и превозно́сите во вся ве́ки.

Моисей уразумé в купинé вели́кое та́инство Рожде́ства Твоего́: / о́троцы же прообрази́ша сие́ я́вственнее / посреде́ огня́ стоя́ще, и не опаля́еми, не-тле́нная свята́я Де́во. // Тем Тя почита́ем во вся ве́ки.

Пре́жде преле́стию обнажи́вшиися / в ри́зу нетле́ния облеко́хомся Рож-дество́м Твои́м: / и сидя́щи во тьме прегрешéний, свет ви́дохом, / све́та жи-лище, О́трокови́це. // Тем Тя поём во вся ве́ки.

Ме́ртвии Тобо́ю оживля́ются, / Жизнь бо ипостáсную родила́ еси, / немии́ пре́жде, благоглаго́ливи быва́ют, / прокаже́ннии очища́ются, недúзи отго-ня́ются, / духо́в возду́шных мно́жества побежда́ются, // Де́во, челове́ков спасéние.

#### ЧЕТВЕРОПÉСНЕЦ ПÉРВЫЙ, ГЛАС 6:

**Запев:** **Святыи мученицы, молите Бога о нас.**

Святы́х мученик исправлени́ем, / небесни́и умове́ преудиви́шася, // тех моли́твами, ми́лости Тво́я, Влады́ко, в нас богáтно удиви́, Ще́дре.

О́гнь Божество́нною росо́ю попра́вшии, / страда́льцы Господни́ досточудни́и, / изба́вите нас огня́ муча́щаго, // ко Влады́це те́плыми ва́шими моли́твами.

Преблагый́ Сло́ве, / отше́дшия от нас правосла́вно, / жи́зни сподо́би, я́же на небесе́х, / и свята́я све́тлости, // добропобéдных мученик моли́твами.

**Запев:** **Пресвятая Богородице, спаси нас.**

Моли́твами, Ще́дре, Ро́ждшия Тя, / и свята́х мученик и апо́стол Твои́х, / просвети́ наша ду́ши, е́же сла́вити Тя, // в весе́лии душэ́внем во ве́ки.

#### ЧЕТВЕРОПÉСНЕЦ ВТОРО́Й, ГЛАС 5:

**Запев:** **Святыи мученицы, молите Бога о нас.**

Ли́цы мученик свята́и, / помяни́те любóвию воспева́ющия вы // и пре-возно́сця Хри́ста во ве́ки.

Мечéм усека́еми, ра́довахуся мученицы, пою́ще Хри́ста // и превозно́сяще во вся ве́ки.

**Благословим Отца́, и Сы́на, и Свята́го Ду́ха, Го́спода.**

Странноле́пно разделя́ется Трои́ца / и пребыва́ет неразде́льна, я́ко Бог, // Ю́же превозно́сим во вся ве́ки.

**И ныне и присно и во веки веков. Аминь.**

**Д**ева Младенца роди,/ Бог бо из Нея вочеловечися,// вся тварь да поет  
Его во веки.

**Запев:** **Дивен Бог во святых Своих,/ Бог Израилев.**

**С**толпы мужества явися,/ падением диаволим радуящиеся мученицы,/ поюще Христа и превозносяще во веки.

**Запев:** **Души их во благих водворятся.**

**У** Авраама внедрится сподоби, Господи, рабы Твоя,/ верою представляющиеся к Тебе, и надежду.

### **КАТАВАСИЯ, ГЛАС 5:**

**Х**валим, благословим, поклоняемся Господеви, поюще и превозносяще во вся веки.

**Т**ворца твари,/ Егже ужасаются Ангели,/ пойте, людие,// и превозносите во вся веки.

**Диакон:** Богородицу и Матерь Света в песнях возвеличим.

### **ПЕСНЬ ПРЕСВЯТОЙ БОГОРОДИЦЫ:**

**Хор:** **В**еличит душа Моя Господа,/ и возрадовася дух Мой о Бозе Спасе Моём.

**Ч**естнейшую Херувим/ и Славнейшую без сравнения Серафим,/ без исленния Бога Слова рождшую,// сущую Богородицу, Тя величаем.

**Я**ко призре на смирение рабы Своея,/ се бо от ныне ублажат Мя вси роди.

**Честнейшую...**

**Я**ко сотвори Мне величие Сильный,/ и свято Имя Его, и милость Его в роды родов боящимся Его.

**Честнейшую...**

**С**отвори державу мышцею Своею,/ расточи гонимую мыслью сердца их.

**Честнейшую...**

**Н**изложи сильные со престол, и вознесе смиренные;/ алчущия исполни благ, и богатящиеся отпусти тщи.

**Честнейшую...**

**В**осприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

**Честнейшую...**



## ПЕСНЬ 9:

### Канон праздника Богородицы (Триоди) на 12:

**Ирмос:** **Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная,// Богородице, Чистая Приснодево. (Дважды)**

**Запев:** **Пресвятая Богородице, спаси нас.**

Да Тебѣ, вѣрнии, радуйся зовѣм,/ Тобѡю радости причастицы бывше присносущныя,/ избави нас напастей, варварскаго пленения, и всякия инья раны,/ за множество, Отроковице, прегрешений,// находящия человеком согрешающим.

Явилася еси просвещение наше и утверждение./ Темже вопиѣм Ти:/ радуйся, звездѡ незаходящая, вводящая в мир великое Солнце./ Радуйся, Едем отверзшая заключенный, Чистая.// Радуйся, сосуде, миро неистощимое на Тя изливанное приемшии.

Станем благоговейно в дому Бѡга нашего, и возопиѣм:/ радуйся, миру Владычице./ Радуйся Маріе, Господѣ всех нас./ Радуйся, едина непорочная в женах и добрая.// Радуйся, столпе огненный, вводящий в вышнюю жизнь человечество.

Голубице Милостиваго рѡждшая, радуйся Приснодево:/ преподобных всех, радуйся, похвалѡ, страдальцев венчание./ Радуйся, всех праведных Божественное удобрение,// и нам вѣрным спасение.

### ЧЕТВЕРОПѢСНЕЦ ПЕРВЫЙ, ГЛАС 6:

**Запев:** **Святїи мученицы, молитѣ Бѡга о нас.**

Яко свет, яко солнце возсиявше,/ всю зѣмлю лучами благочестия, мученицы,/ и светилами чудес просветиша/ и многобѡжия тьму разгнаша,// ихже молитвами, Бѡже, помилуй нас.

Вѡинство мучеников непобедимое,/ всех нас укрепи добре подвизатися/ и совершити поста поприще,/ яко да Божественнаго жития дело совершивше,// причастицы будем жизни, веселящеся.

Твоя да предварит благодать, Господи,/ от нас страшным преставльшихся повелением Твоим,/ да окружит их Твоя милость,// и да наставит к селению, просвещенным светом лица Твоего.

**Запев:** **Пресвятая Богородице, спаси нас.**

Гласом ангеловым совета Отца Ангела,/ неизреченно Богородице роди-  
ла еси,/ гласы убо рабов Твоих прими,/ яже во время поста принесим,// и  
сия принеси Богу, якоже кадило.

**ЧЕТВЕРОПЕСНЕЦ ВТОРОЙ, ГЛАС 5:**

**Запев:** **Святїи мученицы, молїте Бѳга о нас.**

Совершающе торжество мученическое,/ днесь людие воскликнем  
песньми,/ поюще Христу подвигоположнику/ и победы на враги им по-  
давшему,// Егѳже в песнях величаем.

Ноготьми растерзаеми и усецаеми мечем на уды,/ совокупїстеся Христу лю-  
безно, всехвальнии мученицы.// Тем и ныне на небесех веселящеся, о всех молитеся.

**Слава Отцу и Сыну и Святому Духу.**

Едино Существом воспеваю Тя, Безначальная Троице,/ честная, живона-  
чальная, несекомая Единице,/ Отче нерожденный и рожденный Слово и  
Сыне, Духе Святый,// нас спаси, поющих Тя.

**И ныне и присно и во веки веков. Аминь.**

Паче ума рождество Твое, Богомати,/ без мужа бо зачатие в Тебе и  
девственно рождение бысть,/ ибо Бог есть родивыйся,// Егѳже величающе,  
Тя, Дево, убожаем.

**Запев:** **Святїм, иже суть на земли Егѳо, удивї Господь вся хотения Своя в них.**

Доблее воинство Царя всех и Бѳга,/ мучеников песньми венчаем, людие,/  
тии бо победиша бесовския полки яве,// яже воспевающе, Владыку величаем.

**Запев:** **Блажени, яже избрал, и приял еси Господи.**

Егда все создание Твое возставиши судитися, Христе, яже приял еси,/ и  
ныне рабы Твоя верныя помилуй,/ прости, яже в житий прегрешения их,//  
и со святїми Твоими упокой я во веки.

**КАТАВАСИЯ, ГЛАС 5:**

Исаие, ликуй,/ Дева име во чреве/ и роди Сына Еммануила,/ Бѳга же  
и Человека,/ Восток имя Ему,/ Егѳ же величающе,// Деву убожаем.

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Бѳже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву  
Марію, со всеми святїми помянувши, сами себе и друг друга, и весь живот наш Христу Бѳгу предадим.

**Хор:** Тебѣ, Гѳсподи.

**Иерей:** Яко Тя хвалѣютъ вся силы небѣсныя, и Тебѣ славу воссылаѣмъ, Отцѹ и Сыну и Святому Дѹху, ныне и прѣсно и во вѣки векѳвъ.

**Хор:** Амѣнь.

**СВѢТѢЛЕН ТРИОДИ, ПОДѢБЕН: "ЖЕНѢ УСЛѢШИТЕ":**

**Чтец:** Ёже отъ вѣка днесъ познаваѣтся таинство:/ Бѳжие Бог Слово, Сынъ Дѣвы Марѣи за милосѣрдие бываѣетъ./ И радость Благовѣщення Гавриѣлъ провѣщаваѣетъ, с нимъже возопѣемъ вси:// радуѣйся, Мати Господня. *(Дважды)*

**Слава Отцѹ и Сыну и Святому Дѹху и ныне и прѣсно и во вѣки векѳвъ. Амѣнь.**

Ёже отъ вѣка днесъ познаваѣтся таинство:/ Бѳжие Бог Слово, Сынъ Дѣвы Марѣи за милосѣрдие бываѣетъ./ И радость Благовѣщення Гавриѣлъ провѣщаваѣетъ, с нимъже возопѣемъ вси:// радуѣйся, Мати Господня.

**ХВАЛѢТНЫ ПСАЛМѢ, ГЛАС 4**

**Хор:** Всякое дыханіе да хвалитъ Гѳспода./ Хвалите Гѳспода с небѣс,/ хвалите Егѳ въ вышнихъ.// Тебѣ подобаѣетъ песнь Бѳгу.

Хвалите Егѳ вси ангели Егѳ,/ хвалите Егѳ вся силы Егѳ.// Тебѣ подобаѣетъ песнь Бѳгу.

**Чтец:** *Стихиры Триоди, глас 4, подѣбен: "Яко дѳбля":*

**Стих:** Хвалите Егѳ на силахъ Егѳ,/ хвалите Егѳ по множеству величества Егѳ.

**Стихира:** Сокровѣнное таинство/ и Ангеломъ невѣдомое,/ Гавриѣлъ уверяѣетъ Архангелъ,/ и к Тебѣ ныне придетъ/ единой нетлѣнной и дѳбрей голубице,/ и рода нашего воззванію,/ и возопѣетъ Тебѣ Пресвятая, еже радуѣйся:/ уготовися словомъ, Бѳга Слова,// Твоими ложеснами прѣяти.

**Стих:** Хвалите Егѳ во гласѣ трубнемъ,/ хвалите Егѳ во псалтири и гѹслехъ.

**Стихира:** Сокровѣнное таинство/ и Ангеломъ невѣдомое,/ Гавриѣлъ уверяѣетъ Архангелъ,/ и к Тебѣ ныне придетъ/ единой нетлѣнной и дѳбрей голубице,/ и рода нашего воззванію,/ и возопѣетъ Тебѣ Пресвятая, еже радуѣйся:/ уготовися словомъ, Бѳга Слова,// Твоими ложеснами прѣяти.

**Стих:** Хвалите Егѳ в тимпанѣ и лицѣ,/ хвалите Егѳ во струнахъ и органѣ.

**Стихира:** Светонѳсная палата/ уготовася Тебѣ, Владыко,/ утроба чѣстая Богоотроковицы,/ грядѣ к Сей и снѣди, ущѣдри созданіе Твое,/ завѣстно брань прѣимшее и работою удержанное лѣстѣваго,/ и доброту пѣрвую погубившее,// и Твоегѳ спасительнаго чаѹщее сошѣствия.

**Стих:** Хвалите Егѳ в кимвалехъ доброголасныхъ, хвалите Егѳ в кимвалехъ восклицанія./ Всякое дыханіе да хвалитъ Господа.

**Стихира:** Гавриил Архангел,/ к Тебе, Всенепорочная,/ явлено приидет и возопиет Тебе:/ радуйся, клятвы разрешение,/ падших востание./ Радуйся, едина избранная Богу бывшая./ Радуйся, колеснице солнца славы./ Приими Безплотного, // во утробе Твоей вселиться хотящего.

**Слава Отцу и Сыну и Святому Духу и ныне и присно и во веки веков. Аминь.**

**Языка,** егже не ведяше,/ услыша Богородица,/ глаголаше бо к Ней Архангел Благовещения глаголы:/ отнюдуже верно приемши целование,/ зачат Ты, Превечного Бога./ Темже и мы радуящиеся вопием Ти:/ из Нея воплотивыйся непреложно, Боже,/ мир миру даруй// и душам нашим велию милость.

**Иерей:** Слава Тебе, показавшему нам свет.

**СЛАВОСЛОВИЕ ВЕЛИКОЕ:**

**Хор:** Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святой Духе. Господи Боже, Агнче Божий, Сыне Отечь, вземляй грех мира, помилуй нас; вземляй грехи мира, приими молитву нашу; седяй одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. **Аминь.**

**На** всяк день благословлю Тя, и восхваляю Имя Твое во веки, и в век века.

**Сподоби,** Господи, в день сей без греха сохранитися нам. Благословен еси, Господи, Боже отец наших, и хвально и прославлено Имя Твое во веки. **Аминь.**

**Буди,** Господи, милость Твоя на нас, якоже уповахом на Тя.

**Благословен еси,** Господи, научи мя оправданием Твоим. *(Трижды)*

**Господи,** прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

**Святой Боже, Святой Крепкий, Святой Безсмертный,** помилуй нас. *(Трижды)*

**Слава Отцу и Сыну и Святому Духу и ныне и присно и во веки веков. Аминь.**

**Святой Безсмертный,** помилуй нас.

**Святой Боже, Святой Крепкий, Святой Безсмертный,** помилуй нас.

**ТРОПАРЬ ПРАЗДНИКА (Триоди), ГЛАС 8:**

**Хор:** Повеленное тайно прием в разуме,/ в крове Иосифове тщанием предста Безплотный, глаголя Неискусобрачней:/ приклонивый схождением Небесам вместиается неизменно весь в Тя,/ Егже и видя в ложеснах Твоих приемша рабий зрак,/ ужасаюся звати Тебе:// радуйся, Невесто Невестная.

### ЕКТЕНИЯ СУГУБАЯ:

**Диакон:** Помилуй нас, Бóже, по велицей милости Твоей, молим Ти ся, услыши и помилуй.

**Хор:** Гóсподи, помилуй. *(Трижды, на каждое прошение)*

Ещё молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и всей во Христе братии нашей.

Ещё молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебя великия и богатыя милости.

**Иерей:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

### ЕКТЕНИЯ ПРОСИТЕЛЬНАЯ:

**Диакон:** Исполним утреннюю молитву нашу Господеву.

**Хор:** Гóсподи, помилуй.

**Диакон:** Заступи, спаси, помилуй и сохрани нас, Бóже, Твоею благодатью.

**Хор:** Гóсподи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Гóсподи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

**Хор:** Тебе, Гóсподи.

**Иерей:** Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы наша Господеву приклоним.

**Хор:** Тебе, Господи.

**Иерей:** Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Диакон:** Премудрость.

**Хор:** Благословии.

**Иерей:** Сый благословен Христос Бог наш, всегда, ныне и присно и во веки веков.

**Хор:** Аминь. Утверди, Боже, святую православную веру, православных христиан во век века.

**Иерей:** Пресвятая Богородице, спаси нас.

**Хор:** Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

**Иерей:** Слава Тебе, Христе Боже, Упование наше, слава Тебе.

**Хор:** Слава, и ныне. Господи, помилуй. *(Трижды)* Благословии.

ОТПУСТ.

**Иерей:** Христос, Истинный Бог наш, молитвами Пречистой Своей Матере...

МНОГОЛЕТИЕ

**Хор:** Великаго Господина и Отца нашего **Кирилла**,/ Святэйшаго Патриарха Московского и всея Руси,/ и Господина нашего *(Высоко-)* Преосвященнейшаго *(имярек)*,/ *(архи-)*епископа *(митрополита (титул))*,/ богохранимую страну нашу Российскую,/ настоятеля, братию и прихожан святаго храма сего/ и вся православныя христианы, // Господи, сохрани их на многая лета.

ЧИТАЕТСЯ ПЕРВЫЙ ЧАС

НА ЧАСАХ:

ТРОПАРЬ ПРАЗДНИКА (Триоди), ГЛАС 8:

Повеленное тайно прием в разуме,/ в крове Иосифове тщанием предста  
Безплотный, глаголя Неискусобрачней:/ приклонивый схождением Небеса  
вмещается неизменно весь в Тя,/ Егже и видя в ложеснах Твоих приемша  
рабий зрак,/ ужасаюся звати Тебе:// радуйся, Невесто Неневестная.

КОНДАК ПРАЗДНИКА (Триоди), ГЛАС 8:

Взбранной Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Неневестная.

## НА ЛИТУРГИИ СВ. ИОАННА ЗЛАТОУСТОГО:

БЛАЖЕННЫ:

**Хор:** Во Царствии Твоём помяни нас, Господи, егда приидеши, во Царствии Твоём.

**Блажени нищии духом, яко тех есть Царство Небесное.**

**Блажени плачущии, яко тии утешатся.**

**Блажени кратции, яко тии наследят землю.**

**Блажени алчущии и жаждущии правды, яко тии насытятся.**

**Блажени милостивии, яко тии помиловани будут.**

*Триоди, глас 4:*

**Ирмос:** Твоя песнопловцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби.

**Блажени чистии сердцем, яко тии Бога узрят.**

**Тропарь:** Клас прозябшая Божественный, яко нива неоранная яве,/ радуйся одушевленная трапезо, хлеб животный вмещающая.// Радуйся, животная воды источниче неистощаемый, Владычице.

**Блажени миротворцы, яко тии сынове Божии нарекутся.**

**Тропарь:** Юнице Юнца рождающая непорочного, радуйся верным./ Радуйся Агнице, рождающая Божияго Агнца,/ вземлющего мира всего прегрешения.// Радуйся теплое очистилище.

**Блажени изгнани правды ради, яко тех есть Царство Небесное.**

**Тропарь:** Утро светлейшее, радуйся/ едина Солнца носящая Христа, света жилище./ Радуйся, тьму разрушившая,// и мрачные бесы отнюд отгнавшая.

**Блажени есте, егда поносят вам, и изженут, и рекут всяк зол глагол на вы, лжуще Мене ради.**

**Тропарь:** Чертоже Слова нескверный, вина всех обожения,/ радуйся Пречистая, пророков оглашение:// радуйся, апостолов удобрение.

**Радуйтесь и веселитесь, яко мзда ваша многа на Небесех.**

**Тропарь:** От Тебе роса укану, пламень многобожия угасившая./ Тем вопием Ти:// радуйся, руну одушевленное, еже Гедеон, Дево, предвиде.

**Слава Отцу и Сыну и Святому Духу**

**Тропарь:** Се Тебе [Дево] радуйся, зовем:/ пристанище нам буди влающимся,/ и отиши в пучине скорбей,// и соблазнов всех борителя.

**И ныне и присно и во веки веков. Аминь.**

**Тропарь:** Рáдости вина, облагодати наш помысл, еже звати Тебѣ:/ радуйся неопалимая купино, облаче всесветлый, // верныя непрестанно осеняющий.

**По входе:**

**Тропарь праздника (Триоди), глас 8:**

Повеленное тайно прием в разуме, / в крове Иосифове тщанием предста  
Безплотный, глаголя Неискусобрачней: / приклонивый схождением Небеса  
вмещается неизменно весь в Тя, / Егже и видя в ложеснах Твоих приемша  
рабий зрак, / ужасаюся звати Тебѣ: // радуйся, Невесто Неневестная.

**Слава Отцу и Сыну и Святому Духу и ныне и присно и во веки веков. Аминь.**

**Кондак праздника (Триоди), глас 8:**

Взбранной Воеводе победительная, / яко избавльшися от злых, / благо  
дарственная восписуем Ти, раби Твои, Богородице, / но, яко имущая дер  
жаву непобедимую, / от всяких нас бед свободи, да зовем Ти: // радуйся, Не  
весто Неневестная.

**Прокимен, глас 3, пѣснь Богородицы:**

Величит душа Моя Господа, / и возрадовася дух Мой о Бже Спасе Моём.

**Стих:** Яко призре на смирение Рабы Своея, се бо, отныне ублажат Мя вси роди.

**Апостольское чтение субботы пятой седмицы Великого поста:**

**Евр., зач. 322 (гл. 9, стт. 24-28)**

Братие, не в рукотворенная святая видя Христос, противоположная  
истинных, но в самое Небо, ныне да явится лицу Божию о нас. Ни да  
многажды приносит Себе, якоже первосвященник входит во святая [свя  
тых] по вся лета с кровию чуждею. Понеже подобаше бы Ему множицею  
страдати от сложения мира, ныне же единою в кончину веков, во отменение  
греха, жертвою Своею явися. И якоже лежит человеком единою умерети, по  
том же суд. Тако и Христос единою принесся, во еже вознести многих гре  
хи, второе без греха явится, ждущим Его во спасение.

**Апостольское чтение Богородицы:**

**Евр., зач. 320 (гл. 9, стт. 1-7)**

Братие, имевше первая скиния оправдания службы, святое же людское.  
Скиния бо сооружена бысть первая, в нейже светильник, и трапеза, и предло  
жение хлебов, яже глаголется Святая. По второй же завесе скиния, глаголемая  
Святая святых. Злату имущи кадильницу, и ковчег завета окован всюду златом,



в нёмже стáмна златá имущая мánну, и жезл Аарóнов прозябший, и скрижа́ли завета. Превы́шше же егó херувими сла́вы, осеня́ющие олта́рь: о нихже несть ны́не глаго́лати подро́бну. Сим же та́ко устро́еным, в пёрвую ўбо скíнию вь́ну вхожда́ху священни́цы, слúжбы соверша́юще. Во вторóую же еди́ною в ле́то еди́н архиерей, не без кро́ве, ю́же прино́сит за себе́, и о людских невёжествиих.

**Аллилу́рий Богоро́дицы, глас 8:**

**Стих:** Воскресни́, Го́споди, в поко́й Твой, Ты и Киво́т святы́ни Твоея́.

**Стих:** Помяни́, Го́споди, Дави́да и всю кро́тость егó.

**Ева́нгельское чтéние суббо́ты пя́той седми́цы Вели́кого поста́:**

**Мк., зач. 35 (гл. 8, стт. 27-31)**

Во вре́мя оно́, изы́де Иису́с и ученицы́ Егó в ве́си Кесарии́ Фили́пповы, и на пу́ти вопроша́ше ученики́ Своя́, глаго́ля им: когó Мя глаго́лют челове́цы бы́ти? Они́ же отве́щаша: Иоáнна Крестите́ля, и инии́ Илию́, друзии́ же еди́наго от про́рок. И Той глаго́ла им: вы же когó Мя глаго́лете бы́ти? Отве́щав же Петро́ глаго́ла Ему́: Ты еси́ Христóс. И запрети́ им, да ни кому́же глаго́лют о Нем. И начáт учи́ти их, я́ко подобáет Сы́ну Человéческому́ мно́го постра́дати, и искуше́ну бы́ти от ста́рец и архиерей и кни́жник, и уби́ену бы́ти, и в тре́тий день воскрэ́снути.

**Ева́нгельское чтéние Богоро́дицы:**

**Лк., зач. 54 (гл. 10, стт. 38-42; гл. 11, стт. 27-28)**

Во вре́мя оно́, вни́де Иису́с в весь не́кую: жена́ же не́кая и́менем Ма́рфа прия́т Егó в дом свой. И сестра́ ей бе нарица́емая Мари́я, я́же и сэдши при но́гу Иису́сову, слы́шаше сло́во Егó. Ма́рфа же мо́лвляше о мно́зе слúжбе, ста́вши же рече́: Го́споди, не бреже́ши ли, я́ко сестра́ моя́ еди́ну мя оста́ви служи́ти; рцы́ ўбо ей, да ми помо́жет. Отве́щав же Иису́с, рече́ ей: Ма́рфо, Ма́рфо, печéшися и мо́лвиши о мно́зе. Еди́но же есть на потре́бу. Мари́я же благу́ю часть избра́, я́же не оты́метя от нея́. Бысть же егда́ глаго́лаше сия́, воздви́гши не́кая жена́ глас от наро́да, рече́ Ему́: блаже́но чре́во носившее́ Тя, и сосца́, я́же еси́ ссал. Он же рече́: те́мже ўбо блаже́ни слы́шавшии сло́во Бо́жие, и храня́щии е́.

**Прича́стен:**

**Ча́шу спасéния прииму́,/ и и́мя Господне́ призову́. Аллилу́ия. (Трижды.)**